


PROME ENCUENTRO
BIENAL ARTE
CONTEMPORANEO
DI CARIBE.
ARUBA
2011-2012



Cu participacion di artistanan contemporaneo local

Un prome encuentro bienal na Aruba na 2012



Fundacion Encuentro Prome Bienal di Aruba ta organisa e proyecto Prome Encuentro Bienal di Arte Contemporaneo di Caribe, Aruba 2011-2012. E curador Lic. Jose Manuel Noceda Fernandez a selecta y a invita diferente artista contemporaneo local pa participa na e evento aki. E meta principal ta pa promove comunicacion y cooperacion y entrecambio entre artistanan di Caribe.

Seleccion local

Un invitacion a bay pa e artistanan contemporaneo local pa participa na e evento aki. Artistanan local invita ta **Ciro Abath, Nelson Gonzalez, Glenda Heyliger, Stan Kuiperi, Osaira Muyale, Ryan Oduber, Ken Wolff.**

E seleccion di e artistanan ta na encargo di e curador Lic. Jose Manuel Noceda Fernandez for di Cuba. E seleccion a wordo haci basa riba un estudio serio di nan obranan di arte y e desaroyo di nan trabou durante ultimo añanan. E expectativanan ta halto pa loke ta e creacionnan nobo di e artistanan local aki, pa e encuentro bienal; como cu nan obranan lo ta parti di e cosecha amplio di arte contemporaneo di Caribe den e Prome Encuentro Bienal di Aruba.



Interes

Tin un interes enorme pa arte contemporaneo di Caribe, tanto den nos mes region como den otro partinan di mundo. Bienal y otro manifestacion di arte contemporaneo tin como beneficio cu obranan di arte di nos propio artistanan ta wordo exponi, mira y comenta tanto pa criticonan como publico, regionalmente y globalmente.

Un dinamica artistico

Fundacion Encuentro Prome Bienal di Aruba, ta desea di contribui y

Fundacion Encuentro Prome Bienal di Aruba- Paradera Park 213- Ph. # 588 6868- Email: info@encuentroartaruba.org
Website: www.encuentroartaruba.org- Kvk # S 1176 - Aruba Bank # 245 3730 190.





participa na e dinamica artistico. Pa e motibo aki e fundacion ta organisa un encuentro dedica na arte contemporaneo di Caribe cu ta trece artistanan, criticonan y curadornan di arte hunto aki na Aruba. E encuentro lo funciona como un plataforma dinamico y inspirativo cu lo ta scena pa un variedad di accionnan y expresionnan artistico. E prome pasonan concreto pa realizacion di e evento a tuma luga caba. Ta traha un puente di comunicacion foi nos isla pa y cu otro (plataformanan) propuestanan treci dor di e artistanan den region di Caribe.

Eventonan cu ta cay bou di e proyecto completo ta:

- Un workshop educativo dirigi riba gruponan specifico;
- Un workshop dirigi riba artistanan;
- Un exposicion di homenahe
- Exposicionnan individual y colectivo
- Un simposio teorico.




Participacion di Caribe

Otro artistanan cu lo participa di Caribe ta di Barbados, Cuba, Corsou, Guadeloupe, Guyana, Haiti, Jamaica, Martinique, Puerto Rico, Republica Dominicano, St. Maarten, Surinam y por ultimo Trinidad & Tobago.

Happy islands

E exposicionnan principal y simposio na juli 2012 ta carga e titulo y tema 'Happy islands'. Manifestacionnan asina ta wordo construi rond di un tematico specifico. Un tematico cu ta relevante pa Caribe y den e caso aki muy en



especial pa Aruba. **Happy islands** ta dirigi su mes riba e manera di interpreta Caribe cu su complehidad y contradicionnan. For di e perspectivico problematico y di reflexion ta cuestiona e Caribe di awe. E artistanan contemporaneo ta produci obra segun e tematica. E artista ta usa su propio idea y tecnica preferi y pa medio di su obra ta expresa un sentimiento of opinion encunto e tema. Esaki den su estilo unico cu el a sa di desaroya durante su carera.

E fundacion cu ta organisa e proyecto aki ta Fundacion Encuentro Prome Bienal di Aruba, cu su sede na Paradera 213. Curador general ta Sr. José Manuel Noceda Fernández di Cuba y co-curador: Alida Martínez, artista contemporaneo. Pa mas informacion por bishita www.encuentroartaruba.org

